

Q. D. B. V.  
DISSERTATIO  
GRADUALIS

De

# ANIMA BESTIARUM,

Quam  
Suffragante

Amplissimo in ACADEMIA ABOENSE  
Ordine Philosophico,  
Moderante

VIRO PRÆCLARISSIMO atq; CELEBERR.

D. Mag. JOHANNE  
LÖGBRÖÖSSE,

Phil. Nat. Prof. Reg. & Ordin.

In Audit. Maximo d. XII. M. Juaii An:  
M DCC XXV.

Publice disquirendam modeste sistit

S:æ R:æ Maj:tis Alumnus

REINHOLD. LIEBMANN T. F.  
Scania - Gothus.

---

ABOÆ, Prelo R. Acad. Typ. E, Flodström.

S:æ R:æ Maj:<sup>tis</sup>  
MAGNÆ FIDEI VIRO  
**D. HERMANNO  
WITTE,**

S. S. Theol. Doctori Excellensissimo,  
Dioeceseos Aboënsis Episcopo Reverendissimo,  
Academie Fennorum Pro-Cancellario Eminentissimo, Consist.  
Ecclesiast. Præfidi  
Gravissimo.

PERILLUSTRI  
COMITI AC DOMINO  
**D:no CLAUDIO  
EREBEANO/**  
Nuper Academicæ Juuentutis PRINCIPI,  
Nunc  
Omnium, quorum interest applausus  
Eiusdem desig: RECTORI ILLUSTRI &  
MAGNIFICO,  
Literarum nostrarum crescenti MÆCENATI

S:æ R:æ Maj:<sup>tis</sup>

MAGNÆ FIDEI VIRO

NOBILISSIMO GENEROSISSIMO<sup>qz</sup>

D:no SAMUEL  
a WALLENSTIerna,

Legionis Pedestris per Prouincias  
Kymmenegård & Nyslott  
Chiliarchæ *Strenuissimo*,

Nutritio per quadriennium ut *Liberalis-*  
*fimo*, ita & nullo non tempore a me  
impense colendo.

VIRO ET PHILOSOPHO

*Eruditionis Fama Celeberrimo Amplissimo<sup>qz</sup>*

D:no ANDREÆ  
RYDELIO,

In Acad. Gotb. Carolina Phil. Theoret.  
Professori Ordinatio ,

Euergetæ atq; Preceptorí olim meo  
ætatem suspiciendo, colendo.

Admodum  
REVERENDO CLARISSIMO  
D:no JOHANNI SÖ-  
WALL,

Eccles. in Scania Thelje & Klagstorp/  
Pastori merissimo, Parenti maxi-  
morum in me meritorum nomi-  
ne pietate & reuerentia æternum  
deuenerando.

VOBIS  
Totidem  
PATRONIS MAGNIS, OPTIMIS, EXOPTA-  
TESSIMIS, CERTISSIMISQUE  
Dissertationem hancce submisse dat,  
dicat lacramque dedicat  
NOMINUM VESTRORUM

Humillimus Venerator  
REINH. LIEBMANN  
Auct. & Respond.

de suis invitatis invitatis  
ad h*ab*il*it*at*is* invitatis  
**PHILOSOPHIÆ CANDIDATUM**  
**DOMINUM**  
**REINHOLDUM**  
**LIEBMANN,**

**Q**uam Tibi Londiacæ telam  
instruxere Camœnæ,  
Finnica perfecit, Nata, Miner-  
va, Tibi,  
Illæ equidem mentem formant;  
hæc provida mentis  
Ecce tibi dores excolit inge-  
nuas.  
Illi te prolem facilis Lucina le-  
vavit,  
Huic mittit Pallas Finnica rite  
virum.

Omnia

**Omnia grata Tibi veniunt ab  
utrisque; sed addit  
Insuper & titulos Extera mox  
meritis.**

*Gratulabundus  
transmisit*

**Parens**

**JOH. SÖÖWALL.**



## Præfatio.

Uadriennium præter lapsum est , cum in Alma Academia Carolina , Specimen quoddam de Materie Ineptitudine ad cogitandum , Numinе propitio , edere mihi contigit . Ex eo tempore per varios locorum anfractus , huc me tandem insperantem prorsus , deduxit prouida DEI cura : ubi Mutas hoc nitidiores alacrioresque conspicor , quo nuperius ex tristi turbi

A bi-

bidoque rerum statu, illum ex  
tristitia adictum squalorem depo-  
nere, & nouum quasi habitum  
induere licuit: haud aliter ac sol  
post nubium depulsionem, clarior no-  
bis semper apparet. Hoc nitore, hoc  
ad laetitiam composito vultu jam  
ouantes Musæ, quid mirum, si  
omnium oculos ad se conuertant,  
omnibusque sui amorem cultum-  
que debitum injiciant? Certe, hæc  
inter alia quam maxime me mo-  
uerunt, ut quod incepi studiorum  
iter studio indefesso pergerem; &  
cognito, quod sapientiæ Sacerdo-  
tes nunc jam præmia literarum  
culturibus propediem distribuenda  
meditentur, ne frustra mihi sal-  
tem tanta videatur oblata gratia,  
alterum, quod restat, specimen  
qualecunque ingenii mei prodere  
properarem. Hujus speciminis,  
præfens ex Philosophia, tantum  
non difficilimum, selegi argumen-  
tum

tum : non tam fiducia quantuli-  
cunque mei ingenii, quam & ar-  
gumenti suavitate, & ejusdem  
non exigua cum prioris disserta-  
tionis argumento conuenientia du-  
ctus. Quemadmodum enim in illa,  
materiam nec in se spectatam,  
nec quacunque ratione modifica-  
tam, cogitationis capacem esse,  
ut spero, euictum dediraus ; ita  
in hac, demonstrato, quod Bestiæ  
ad materiam merito sint referen-  
dæ, illis animam, qualis vel ab  
antiquis Philosophis, vel ipsis Scho-  
lasticis vulgo iisdem adscribitur,  
minus recte tribui, & simul que  
& qualis anima, saluā ratione,  
salua etiam Religione in illis sit  
admittenda, cuilibet attendenti in-  
notescet. Tua interim benevole  
lector, pluribus mihi expetenda  
esset benignitas, nisi persuasum ha-  
berem, quo veritatis es attianior,  
mihi te hoc faciliorem hujus, quic-

quid est opellæ, præstiturum esse censorem. Hæc itaque bona tua cum venia mitto, atque ad ipsum me accingo negotium.

## §. I.

**R**imūm itaque, ne ipsum nos ludat animæ vocabulum, sciendum est illud deriuari commode vel originem suam ducere ἀπὸ τῆς ἀνέμου, h. e. vento, aëre, spiritu, halitu, flatu, pro quibus etiam promiscue apud Auētores sumitur. Exempla hujus rei, qui desiderat, adeat Lexicon Sorani. Hic autem, qui notetur, meo quidem judicio, dignus est locus quidam Ciceronis i Quæst. Tuscul. quippe qui animam pro aëre sumi clare ostendere videtur: *Iste igitur est: si cor, aut sanguis, aut cerebrum est animus, certe, quoniam est corpus, interibz chro reliquo*

corpore; si anima ( i. e. aër ) est, for-  
sasse dissipabitur; si ignis, extinguetur.  
Per animæ etiam vocabulum in-  
dicarunt Antiqui illa organa, quæ  
nutritioni & generationi, nec non  
quæ sensui & motui interuiunt:  
priori significatione, animæ vege-  
tatiæ, posteriori, sensitivæ nomi-  
ne illam insignientes. (4) Accepio  
autem hujus vocis maxime nota-  
bilis est, cum ad alteram illam  
essentialē, & quidem incorpo-  
ream hominis partem, quæ & u-  
nico nomine *mens* recentioribus  
philosophis, Ciceroni *animus* ap-  
pellatur, significandam passim ad-  
hibetur. In quo tamen sensu ad-  
hibitam, vi derivationis supra ad-  
ductæ, propriam exuisse significa-  
tionem, ut cuilibet attendenti ob-  
uium, ita non nemo obseruavit.

A 3

In-

(4) Vid. *Casp. Bartolin. Them. Fil.*  
*Sums. Phil. Nas.* pag. 32. & 36.

Intellectus enim humani imbecilitati hoc tribuendum, quod, quamvis ideas rerum immaterialium, & quidem natura facilius quam materialium, quippe quae menti tantum per accidens occurruunt, formare valeat, ad illas tamen aliis significandas, vocibus per Metaphoram e rebus corporeis delemptis uti necessum habeat. Hinc factum est, ut, cum substantia huic incorporeæ nomen imponeatur, nihilque in rerum natura, quod exactam ejus imaginem representaret, reperiretur, ad illud, quod proxime inter res corporeas ad ejus naturam accedere videbatur, nimirum ærem, corpus admodum subtile, oculorumque sensui se subducens, confugiendum fuerit. Et hinc, ut patro, illæ lacrimæ, hinc anfa materiam cum spiritu illo immateriali confundendi suppeditata, hinc tot tantorumque

Phi-

Philosophorum de Anima variæ sententiæ, & inde sequentes maxima altercationes. Sed hisce nos amplius immiscere, hac quidem vice non est animus, ea tantummodo, quæ ad accepti thematis enodationem quam maxime facere videntur, proposituri.

## §. 2.

**F**orum autem, qui in hoc sudsunt campo, tres classes commode constitui possunt, Ad primam merito referendi sunt illi, qui inter Antiquos Philosophos animalibus brutis tantum tribuerunt, ut ne quicquam homini præbrutis concessisse videantur. Nominasse sufficiat Thalem, Pythagoram & Platonem, (b) qui communis illo plerorumque veterum

A 4

Phi-

(b) Conf. Dissert. de Carentia sensus & cognitionis in brutis Dn. Le Grand. §. 4.

Philosophorum errore infecti, existimarunt, brutorum non minus quam hominum animas Diuinæ essentiae quasdam esse particulas. Unde etiam teste Porphyrio, eorum nonnulli, loquela, unico illo externo certissimoq; rationis indicie, bruta gaudere, eamq; sapientissimos quosq; callere persuasissimi fuerint (\*).

Hæc cum animo perpendo, satis mirari nequeo, quid sibi vulerit jam nominatus Thales, cum se tres potissimum ob causas fortunæ obstrictum dixit, primum ὄτι ἀνθρωποί εγενόμην, sunt ejus verba, καὶ τὸ θηλεῖον, εἴτα ὄτι ἀνὴ, καὶ τὸ γυνῆ, τρίτον ὄτι Ἑλλήν καὶ τὸ Βάρβαρον, i.e. e. primum quod homo, non bellua, deinde quod vir, non mulier, tertio quod Graecus, & non Barbarus natus esset. Quoquo enim modo se res habet cum cæteris, hoc sane lepidissimum est, quod se singu-

(\*) Conf. Phys. Sperlette. p. 326.

gulares fortunæ grates vel hoc nomine debere fassus sit, quod homo non bellua natus esset. Si enim homo a bellua, nulla re alia quam corporis structura externaque forma discerneretur, tantum abest, ut de aliqua præ brutis prærogatiua vere gloriari possit homo, ut potius virtutibus utrinque collatis, se illis longe inferiorem esse fateri cogatur.

## §. 3.

**S**Cholaftici, qui cum suo Antesignano secundam occupabunt classem, utrum veritati an novitati magis studentes, non facile disserim, totum hoc sibi negotium expediisse visi sunt, cum triplicem animam, alteram altera præstantiorem: animam nimirum vegetatiuam, sensitiuam & rationalem statuerent; quarum istam plantis, illam cum priore, brutis, hanc

A. 5

cum

cum ceteris utrisque, hominibus esse propriam asseuerarunt. Sed cum differentiam triplicis hujus animæ saltrem gradualem existimat, (\*) nulla quoad essentiam discrepantia intercedente, tantum abest, ut hoc suo inuento rem illustrarint, ut potius uno relictio errore, in alium vix meliorem sint relapsi. Namuis enim Plato cum suis asseclis, rebus etiam viissimis suum dæmonem vel animam assignare, quin omnia Diis esse plena statuere, non dubitarit, limites tamen inter spiritum & corpus immotos seruavit semper: quos contra, non solum movendos, verum prorsus auellendos etiam, scholastici scriptis suis, forsan inviti, at incauti certe, curauisse videntur. Quod fusius etiam suo loco demonstrabitur.

§. 4.

(\*) vid Pneumatic. Rydelii Cap. 3.

§. 1. M. S.

**T**ertia tandem classis Cartesia-  
norum erit. Qui fausto side-  
re in incredibile sanioris Philo-  
phiæ incrementum nati, spiritus  
corporisque natura diligentius pen-  
sata, eas primum toto cœlo di-  
uerias esse substantias agnoverunt,  
& deinde solliciti, ut ad suas quæ-  
que classes omnia referrentur, post-  
quam clarissime ostendissent, omnes  
operationes, quæ alioquin animæ  
aut vegetatiæ aut sensitiæ in  
plantis & brutis adscribi soleant,  
etiam sine ulla anima (incorporea &  
spirituali) non tantum edi, verum  
etiam utcunq; explicari posse, Gomœ-  
tium secuti auctorem, animas bru-  
torum non spiritibus, ut nonnulli  
placet, annumerandas, sed in  
corporum merito numerum refe-  
rendas, pulcris adducti rationibus  
palam docuerunt.

**H**is ita præmissis, forsan mihi sufficeret, simpliciter indicare, quamnam harum sententiarum meam facerem, eamque firmis solidisque fulcitam argumentis reddere, sed cum ( laus Deo ) in illa tempora nostra ætas inciderit, quibus e spissis densissimisque Scholasticorum tenebris docta cohors emerserit, & nihil adeo pericli timendum ei, qui tantis sui seculi doctoribus oggerere quid audet; antequam nostram hac de re sententiam aperimus, & Antiquorum & Scholasticorum modo recensitas opiniones, leviter etiam perstringere lubet. Id quod lucem haud exiguum huic materia sceneratum confido.

## §. 6.

**U**t itaque ab Antiquis initium fa-

faciamus, notum est, ut antea  
 monuimus, animam ipsis fusile  
 Diuinæ particulam Essentie, eam-  
 que eos non bonis vel malis ge-  
 niis tantum, non homini, non  
 brutis animantibus, sed rebus qui-  
 busvis vilissimis & inanimatis pro-  
 priam & communem fecisse: adeo ut nullum tam vile sit cor-  
 pus, quod non juxta eorum op-  
 nionem, suam soueat animam,  
 corporis sui commoda undiquaque  
 promouentem procuratique. Sed  
 quam longe a vero illorum aber-  
 rauerit sententia, nos paucis ex-  
 planatum ibimus. Primum si con-  
 sideremus, qualem de DEO Opti-  
 mo Maximo conceptum habere  
 oporteat, quod sit nimirum, in  
 quantum Ens perfectissimum, ut  
 Infinitus, ita & Unus, adeoque  
 multiplicationem omnem, ut con-  
 tradictoriis inuolutam, prorsus re-  
 spuens; & deinde quid intima no-  
 bis

bis dictitetur conscientia, nos nimirum singulos cogitatione ab aliis hominibus distinctos separatosque esse; facile deprehendemus hanc singulorum propriam neminique communem cogitationem, cum Summi Numinis idea neutquam conciliari posse, quin hoc eorum placitum, ad illum in tot partes, quot homines sumus diuisum, rerum natura prorsus eliminandum recta tendere: adeoque animas humanas Diuinæ essentiae esse particulas, plane inepte dici.

## §. 7.

**S**i quis autem ulterius tantorum philosophorum fama permotus, hoc nimirum dictum existimauerit, dicat mihi quæsto, admissa illa sententia, unde cæcitas ista intellectus, de qua sapientissimi etiam queri necessum habent? unde ma-

li-

licitia facinororum hominum? unde denique pietas hominum DEI amantium sit accersenda? Certe, aut hæc Deo, aut alii extra Deum principio, accepta sunt terenda: at Deo nequaquam hæc conjunctim possunt tribui, cum ejusmodi dissimilitudinem in Deo reperiri, nequidem verosimile, nedum credibile sit: ergo aliud necessario, a Deo quidem pendens, ejus tamen essentiæ minime particeps, res hæc diuersæ, seque in vicem mutuo excludentes, habebunt principium. Si jam in animalibus humanis non procedat, multo minus brutorum animis, præsertim si materiales sunt habendæ, applicata, sibi constabit hæc sententia. Id quod erat demonstrandum.

C §. 8.  
Compellandi jam nobis veniunt  
Scho-

Scholaſtici. Quorum multus in eo labor fuit, ut triplicem, neque hoc magis perfectam suam animam detenderent, animam nimurum, qua & plantæ vegetant, bruta animalia lentiunt, & homines ratiocinantur. Sed quemadmodum qui bene distinguit, bene docet, ut vetus fert proverbium, ita hi confundentes, quæ maxime distingvenda erant, rem bene gessisse minime censendi sunt. Ex eorum enim sententia, cuius medo supra mentionem feci, animæ hæ non nisi gradu different, quare etiam formarum substantialium nomine promiscue apud ipsos omnes tres hæ animæ venire solent. Cum autem has formas, quas materiales quidem, h. e. è materia promanantes, non vero materialitas vel corporeas teste Sturmio (\*) quasi a se inuicem materia-

(\*) v. J. C. Stur. Comp. Phys. Er. f. 1. t. 2. §. 8.

teriale & corporeum multum differunt, & ex corpore vel materia immateriale quid elici posset, esse contulerunt, non fortiter satis vel in ipsis corporibus defendere valuerint, quin inter ea, in quibus Aristoteli humani quid etiam accidisse compertum est, a sapientissimo quoque jam dudum sint relatæ, quid mirum, si formæ nomen, animæ injunctum, monstri haud absimile nonnullis apparuerit? Nam examinetur modo hoc eorum placitum; & deprehendetur veritati minus consentaneum. Quia, ut ex absurdo hoc primum demonstretur, si res ita se haberet, in infinitum formarum substantiarumque foret progressus. Nam cum formæ, physice sic dictæ, ut mere accidentia, sine substantiis esse non possint, & ipsæ formæ ex ipsis

mentem substantiales sint habenda; nullum profecto finem harum formarum substantiarumque habitura sit multiplicatio, quin potiori fere jure, quam relatio diametri ad peripheriam circuli, inter incomensurabilia numeranda. Deinde, cum non nisi duo rerum genera esse constet, spiritum nimirum & corpus, si formæ substantiales admittendæ, aut tria rerum genera statuenda, aut excludo altero supra memoratorum, hæ substituendæ sunt formæ substantiales: sed prius absurdum, cum in tota rerum natura, nulla detur substantia (simplex scil.) quæ non alterutri constitutorum generum, merito sit assignanda; sed nec posterius opus fore videatur, cum, per bonam ex Scholasticorum sententia deductam consequentiam, formæ substantiales non

nem sint nisi corpora, adeoque nullam peculiarem substantiae speciem per se constituant: ergo si accurate loqui velimus, nullæ in rerum natura dantur formæ substantiales, sed quæ sic apud Aristotelicos audiunt, non sunt nisi modi corporum naturalium, qui cum aliquo subjecto existere negant, substantiarum nomen prorsus non merentur.

### §. IX.

Porro modo allata Scholastico-rum de formis substantialibus sententia, neque eo nomine videtur toleranda, quod, an etiam in nobismet ipsis, praeter materiam, quicquam reperiendum sit, facile dubitandi occasionem praebat. Si enim more Scholasticis solenni, animæ nostræ pro forma

mis substantialibus habenda; utique cum nulle extra materiam dentur formæ physice sic dictæ, nihil præter materiam in nobis admittendum est. Consequentiam, probe scio, dicti Scholastici sum non agnoscere, interim tamen cum admittant mordicusque tueantur principia, conclusiones inde deriuandas suo etiam patrocinio dignari, non absque ratione meritoque censentur. Atque sic quod paragraphæ tertia sub fine pollicitus fui utcunque præstitum est.

## §. 10.

**S**equitur jam ut meam eamque a Cartesii ejusque alleclarum mente parum differentem sententiam Candi<sup>i</sup> Lectoris judicio si stere sustineam. Mens itaque mea hæc

hæc est : quod anima bestiarum  
 nihil sit aliud , quam sanguis in  
 corde calefactus & in Spiritum  
 attenuatus. Atque hæc sententia,  
 quamvis nonnullis inepta fatis vi-  
 deri possit , hoc sane præ cæteris,  
 de quo sibi merito gratulari pos-  
 sit , habet , quod & rationi , & ,  
 quod etiam magis est , ipsi reve-  
 lationi maxime sit conveniens.  
 Quod ad rationem attinet , ratio  
 cum experientia juncta dicitat ,  
 siquidem materialis anima Bestia-  
 rum agnoscenda , ( agnoscere au-  
 tem necesse est ) eam nulli alii  
 rei commodius assignari posse  
 quam sanguini , quo omnium ju-  
 dicio , in materia nihil nobilior ,  
 nihil excellentius , atque ad spiri-  
 tus naturam magis accedens ni-  
 hil reperire licet. Sed si quis e-  
 am nobilioris substantiæ fingat ,  
 caueat , ne quantum brutis arro-

gat, tantum deroger hominibus. Non enim, si res ita se haberet, ulla præ brutis homini prærogativa amplius maneret, sed pari estimatione digna ambo hæc genera animalium utique censenda. Cum itaque nemini non integrum est, eam, quæ maxime rationi conveniens videatur, amplecti sententiam, mihi ne vitio vertat quisquam, si eorum castra sequar, quibus veritas & frequentior & familiarior esse solet, & quibus insuper circa meam ex iplorum fontibus haustam opinionem, talia, quæ sequuntur in promptu sunt argumenta.

## §. II.

**Q**uid dividibile, materiale sit necesse est, anima brutorum est

est divisibilis, ergo materialis merito habenda. Est hoc argumentum D:ni Sperlette, Professoris Lycei Hallensis Celeberrimi, quod in Physica sua Noua nobis sicut. Atque, ut nemini non pater, hoc ipso nihil firmius, ad euincendam prorsus atque ad oculum ostendendam brutorum animarum materialitatem, excogitari potest, si medo experientia, quod in Minoris continetur, stabiliri potest. Author ipse veritatem Minoris serpentum exemplo probare satagit, qui, licet in multas partes secti, secundum ejus mentem, viuere tamen non desinent. Fateor quidem, hoc quicquid est argumenti, totum experientias deberi, atque adeo ea destitutis, nihil exinde, quod quidem ad hujus illustrationem rei pertineat, eviden-

ris veritatis concludere licere: interim tamen ut artifici in sua arte credendum, veteri proverbio, cum vix credibile sit, tam Celebris Nominiis Auctorem absque justa ratione quidquam attulisse, priusquam contemnendum argumentum ejus minime duco, quin ut dignissimum industriae alicujus objectum, hec locum habere censui. Quod si enim liquido constaret de brutorum animalium divisibilitate, multorum argumentorum instar hoc unicum esset, quod vel iuvento, nostrae sententiae assensum extorquere potis esset.

§. 12.

**S**ed si vel maxime jam allatum argumentum experientiae repugnaret, non ideo tamen vietas damus manus, quin ea, quæ super-

persint nostræ lauentia parti ar-  
 gumenta, tanti etiam valoris esse  
 confidimus, ut quemlibet modo  
 sanum, præsumptisque opinioni-  
 bus exutum, facile conuictura  
 sint. Sit igitur hoc secundum ar-  
 gumentum: Si omnes, (a) quos  
 in Bestiis conspicamur motus, si-  
 ne ulla anima (incorporea scil.)  
 optime fieri peragique possunt,  
 sequitur animam immaterialem  
 minus recte iis tribui; at verum  
 prius, ergo etiam posterius. Ma-  
 jor exinde probatur, quod iidem  
 in homine sine mentis auxilio  
 motus peragantur, ut puta mo-  
 tus cordis, circulatio sanguinis, ar-  
 teriarum pulsus, ciborum coctio,  
 sanguificatio, nutritio, & id ge-  
 nus alia. Quod ni ita esset, vel

B 5      si

(a) *Conf. Dissert. Dni Le Grand, de ca-  
 rentia sensus & cognit. in Brutis. §.  
 42. 5 seq.*

si mentis arbitrio subjacerent hi motus, ægre horum motuum aberrationes pateremur, quas subinde non sine intimo doloris sensu in nobis experimur.

§. 13.

**H**Æc autem ut melius intelligantur, probe obseruandum est, duo in homine diuersissima omnis motus dari principia, mechanicum alterum, alterum spirituale & incorporeum, quorum neutrum in se & sua natura ab altero dependet, sed utrumque, quæ sua sunt, sine alterius nutu expedire potis est. Nec ullo modo acceptanda est illa ex Aristotelicorum Philosophia sequens sententia, (b) qua omnes in corpore humano motus, menti tanquam principio ad-

(b) *Vid. Pneumat. Rydelii. Cap. 3. §. 1.*

adscribendos esse statuant, quin longe verissimum est, plurimos in corpore humano motus aliunde prouenire, nec huic debere originem principio, quemadmodum nec ulli tanquam causam sui efficientem, mente per se & absq; unione consideratam agnoscere possunt: quo tamen negatum nolo, quin motus non pauci, vi admirandæ illius inter spiritum & corpus unionis, anima tantummodo volente, in homine excitentur. Quibus expensis, nec vera causa omnium in brutis motuum, indeque fluentium actionum, nostris valde similium, nec causa cur tam absurdâ nostra multis appareat sententia, de rebus ejusmodi inquirentem latere potest.

§. 14.

**3. Q**Uæcunque creaturæ vera de-  
stituuntur loquela, anima-  
bus

bus gaudere incorporeis minime  
ceelendis: at Bestiae ita, ergo. Ma-  
jor cum ex se clara sit, in pro-  
bationem minoris ipsam experi-  
entiam cito. Quis enim Bestiam,  
vel quotidie inter homines versan-  
tem, eo peruenire unquam depre-  
hendit, ut ad res quascunque ob-  
uias, verba ad rem facientia pro-  
ferre valeat, vel quod idem esse  
puto, per gestus alios atque alios,  
vel unum eundemque gestum,  
quoad sibi satisfactum fuerit, ite-  
rando, veram atque perfectam sen-  
sationem eorum, quæ sibi contin-  
gunt, aliis significare. Cauiam  
hujus rei si requiras, organis tri-  
buendam minime censeo, quippe  
quæ in Bestiis ad loquendū necessaria,  
atque ac in hominib⁹ reperiuntur: (\*)

quam

(\*) Vid. Sturm. Phys. Eros. p. m.  
648.

quatrebrem etiam nonnullas earum ita arte instrutas vidimus , ut voces quasdam efferant , quas tamen ipsas non intelligere , hoc ipso produnt misserrime , quod plerumque eas in quo tempore adhibeant . Quid igitur restat , nisi ut animas , saltem quales nos habemus brutis intrepide abjudicemus ? Sed cum forte me quispiam sophismatis , quod apud Philosophos vulgo petitio principii audit , arguere posset , si Majorem allati argumenti , utpote quam ex se claram , nulliusque probationis indigam judicavi , omni prorsus orbatam praefidio sic relinquerem , hac utens ratione , vel potius sic abutens ratione , ut , quamvis anima loquacis capaci bestie destituuntur , animam illis tamen rationis usu pol-

pollentem inesse, falso sibi persuadet, quasi non vel minimum rationis hoc requireret, ut quis sensa animi per signa alia atque alia aperire possit, en probationem etiam Majoris: Si homines stulti stupidique, ut infantes tacetum, sat rationis habeant, sermones apte, saltem nonnunquam, cum aliis ferendi, sequitur, si vel tantillum rationis brutis esset, hoc utique sufficere signis inueniendis mere arbitrariis, quibus mensem, si talet haberent, exprimerent: at verum prius, ergo etiam posterius.

## §. 15.

**4. SI** Brutorum apimantium singulis speciebus, proprias sunt actiones, quæ natura duce in singulis ejusdem speciei indicui.

viduis, eodem tere modo pera-  
 guntur, sequitur animantia bruta  
 non libere, adeoque nec ratione,  
 sed mera necessitate, aut si ma-  
 vis, interna immutabili spontanei-  
 tate, vi mechanismi nunquam fa-  
 tis admirandi, ad ea peragenda  
 impelli, quæ ad suæ speciei con-  
 servationem faciant: at verum  
 prius, ergo etiam posterius. Un-  
 de unam cognosce hirundinem,  
 & omnes cognosces, unum ca-  
 nem & omnes tibi probe per-  
 spectos habebis: in omnibus sci-  
 licet, quæ naturæ impulsu ab il-  
 lis proficiuntur. Quamvis neque  
 negandum, pro varia cerebri &  
 organorum dispositione, nonnul-  
 la in operando apud ejusdem e-  
 tiam speciei animalia, ratione mo-  
 di, quo operantur, discerni pos-  
 sit varietas, adeo ut alia citius  
 alacriusque, alia iterum fegnius  
 tar-

tardiusque peragenda conficiant. Quemadmodum nec me latet, multis affluecere posse animalia, ad quæ sibi relicta, nunquam aspirarent: sed hoc ipsum nullo rationis indigere auxilio, nemmo non admittet, qui considerat, ex æquali fere cerebri in hominibus atqne brutis constitutione, easdem ex disciplina objectisque variis, in illis æquæ ac nobis fieri impressiones, quas immediate variis excipiunt motus spirituum animalium, atque ex horum frequenti iteratione, oritur tandem habitus ea exercendi, quæ præter naturam in brutis conspicantur.

## §. 16.

**Q**uinto loco denique, argumentum, quo ad astru-

endam brutorum animarum  
 materialitatem , atque omnis  
 veri sensus carentiam in Pneu-  
 matica sua, hactenus inedita,  
 mihi manuscripta (o) utique  
**Amplissimus Dominus Andre-**  
**as Rydelius , Lectoribus ju-**  
**dicandum relinquo , quod sic**  
**habet : Plane est incredibile voluisse**  
**DEUM Misericordem creaturas in-**  
**nocentes cum Dario cruciatu ab homi-**  
**nibus non modo ad laborandum co-**  
**gi , sed & in escam mactari . Si hoc**  
**juste possit fieri , quidam poserit DEUS**  
**sine crudelitate quidlibet ipsis homini-**  
**bus facere ? jam vero sine Bestia-**  
**tum servitio & sine eorum carni-**  
 C biss

(o) Conf. POCENMAT. Cap. 3. §. 6.

bus non potest universum genus bala-  
 manum subsumari. Ergo illis uti nos  
 voluit. Non velle autem, si serui-  
 bius carum cum vero dolore, & ma-  
 cratio cum vero cruciatus sensu esset  
 conjuncta. Neque enim hoc tollit dif-  
 ficultatem, quod iura dicantur solum  
 esse hominis, animalis multo nobilio-  
 ris, quippe ratione prediti. Non e-  
 nim video, quid juris & privilegii  
 det ratio pro sensu mero, licet obli-  
 gatio sequatur rationem, non sensum  
 solum. Nam dolor est objectum misera-  
 ricordiae. Alias ne infantes quidem  
 cruciare peccatum esset, nisi quatenus  
 rationales aliquando erunt, non que-  
 tenus sunt in statu meri sensus.

Hec

Hæc sunt, quæ dicto illi Philosopho acutissimo circa propositam materiam in mentem venere, atque ut mihi quidem videtur, nihil rectius hoc ipso dici potest, si modo Deus, omnibus id ipsum creaturis, mente scil. præditis (posito, quod præter angelos hominesque plures dentur) debere censendus est, cuius ex gratia erga homines se debitorum fecit: sed cum hoc perspicere, habens fateor, meum supererat ingenium, viro eidem eruditissimo sic pergenti: nec vis argumenti hujus eludi potest aliter, quam si fingatur paradoxa illa

renolutio animarum , Pythagoreis & plerisque gentilibus, smo Cabballistis Ju- deorum familiaris , & animas Bestia- rum fuisse ante humanas , atque propter aliquid peccatum suum debere cruciari, donec meliora forsitan edoctus fuero, prorsus assentiri non sustineo.

## §. 17.

**H**is atque aliis ex lumine ra-  
tionis , quæ deduci possent  
argumentis , si non prorsus e-  
vincitur , saken probabilior mul-  
to præ illa , veteribus nec non  
recentiorum nonnullis admodum  
accepta , hæc , quæ mecum fa-  
cit redditur sententia : Reuela-  
tionem vero , promissi memo-  
res , & consulamus , a nostra i-  
psam

psam veritatem parte stare, vix dubitandi ansa supereft. Nam si evoluatur Genel. i: Cap. versu 24. hæc se nobis verba offerunt: Et dixit DEUS: producat terra animam viventem secundum speciem suam, jumentum & reptile & Bestiam terræ secundum speciem suam, & factum est ita. In locum allatum, ne solus dixisse videar, sanctus Basilius, omnes fere S. S. Patres, tam Græci quam Latini, Celebriores Scripturæ Commentatores omnes ita discurrunt: Si anima Bruti producita est ex terra, quemadmodum ibi dicitur, quis non videat eam esse pure terrestrem & materialē (\*) & consequenter forsū etiam rationis & omnis veri sensus expertem: Idem videre est ex

(\*) Conf. Phys. Nov. D:is Sperlette p.230.

ex Deut. Cap. 12: v. 23. ubi verba sic habent: tantum confirmate, ut non edas sanguinem, quia sanguis illius (Bruti scil.) est anima. Ex hoc etiam dicto mirificum nostrae thesi accedit stabilitatem, Nam si sanguis est anima Bestiarum, quid praeter materialm? quid rationis quaesio? quid veri etiam sensus ipsis est affingendum? dicta, quae contrarium in Sacris Literis suadere videntur, nostrae quod speramus thesi non officient, quin si reæ explicentur, illam ipsam illustriorem reddent.

SOLI DEO TRINUNI  
GLORIA IN ÆTERNUM!

